




Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
նչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

382

=279=


Պրոֆեսորներ Բուր յերկրներ, միացեք.

Գ Ի Բ Բ № 4

ՀՐԱՀԱՆԳ

ԲԱՂԱԲԱՅԻՆ ՅԵՎ ԳՅՈՒՂԱԿԱՆ ԽՈՐՀՈՒՐԳՆԵՐԻ
ԸՆՏՐՈՒԹՈՒՆՆԵՐԻ ՅԵՎ ԽՈՐՀՈՒՐԳՆԵՐԻ
ՀԱՄԱԳՈՒՄԱՐՆԵՐ ՀՐԱՎԻՐԵԼՈՒ ՄԱՍԻՆ

ՀՐԱՏԱՐԱԿՈՒԹՅՈՒՆ
ՀՈՒՆ ԵՐԿԱՐԵԳԵՏՈՒԹՅՈՒՆ ԺՈՂՈՎՐԴԵԿ. ԿՈՄԻՍԱՐԵԱՏԻ
ՅԵՐԵՎԱՆ 1926 թ.



492
867

12x17

Պրոլետարներ բոլոր յերկրներէ, միացե՛ք.

342.8 (47.925)

Գ Ի Բ Բ № 4

ՀՐԱՀԱՆԳ

ԲԱՂԱԲԱՅԻՆ ՅԵՎ ԳՅՈՒՂԱԿԱՆ ԽՈՐՀՈՒՐԴՆԵՐԻ
ԸՆՏՐՈՒԹՈՒՆՆԵՐԻ ՅԵՎ ԽՈՐՀՈՒՐԴՆԵՐԻ
ՀԱՄԱԳՈՒՄԱՐՆԵՐ ՀՐԱՎԻՐԵԼՈՒ ՄԱՍԻՆ



ՀՐԱՏԱՐԱԿՈՒԹՅՈՒՆ

ՀԱՅԱՍՏԱՆԻ ԿՐԹԱԳՐԱԴԱՐԱՆԻ ԺՈՂՈՎՐԴԱԿ. ԿՈՄԻՏԵՐԻՆԵՐ

ՅԵՐԵՎԱՆ

1926 թ.

855 11 8 2 5



867-492

ՎՈՐՈՇՈՒՄ ՀՍԽՅ ԿԵՆՏՐՈՆԱՐԱՆ ԳՈՐԾԱԴԻՐ ԿՈՄԻՏԵԻ ՆԱԽԱԳԱՅՈՒԹՅԱՆ

ԲԱՂԱԲԱՅԻՆ ՅԵՎ ԳՅՈՒՂԱԿԱՆ ԽՈՐՀՈՒՐԴՆԵՐԻ ԸՆՏՐՈՒԹՅՈՒՆՆԵՐԻ ՅԵՎ ԽՈՐՀՈՒՐԴՆԵՐԻ ՀԱՄԱԳՈՒՄԱՐՆԵՐ ՀՐԱՎԻՐԵԼՈՒ ՎԵՐԱԲԵՐՅԱԼ ՀՐԱՋԱՆԳԻ ՀԱՍՏԱՄԱՆ ՄԱՍԻՆ

Ի վերացումն ՀՍԽՀ Կենտրոնական Գործադիր Կոմիտեյի Նախագահության «Քաղաքային և գյուղական խորհուրդների ընտրության և խորհուրդների համագումարներ հրավիրելու» վերաբերյալ հրահանգի (Որենք. և Կարգադրությունների ժողովածու 1925 թ. № 10 հոդ. 68) Կենտրոնական Գործադիր Կոմիտեյի Նախագահությունը, ՀՍԽՀ Սահմանադրության 89 հոդ. հիման վրա և համաձայն ՍԽՀ Միության Կենտրոնական Գործադիր Կոմիտեյի Նախագահության 1926 թ. սեպտեմբերի 28-ի հրահանգի (Որենք. ժող. 1926 թ. № 66, հոդ. 500—501) վորոշում ե՝

Հաստատել և մտցնել գործադրության մեջ՝ ՀՍԽՀ տերիտորիայի վրա հետևյալ հրահանգադաքային և գյուղական խորհուրդների ընտ-

րությունների և խորհուրդների համագումարներ հրավիրելու մասին:

ՀՐԱՀԱՆԳ

ՔԱՂԱՔԱՅԻՆ ՅԵՎ ԳՅՈՒՂԱԿԱՆ ԽՈՐՀՈՒՐԴ-
ՆԵՐԻ ԸՆՏՐՈՒԹՅՈՒՆՆԵՐԻ ՅԵՎ ԽՈՐՀՈՒՐԴ-
ՆԵՐԻ ՀԱՄԱԳՈՒՄԱՐՆԵՐ ՀՐԱՎԻՐԵԼՈՒ
ՄԱՍԻՆ

ԳԼՈՒԽ I

ԸՆՏՐԱԿԱՆ ՀԱՆՁՆԱԺՈՂՈՎՆԵՐԻ ՄԱՍԻՆ

1. Գյուղական և քաղաքային խորհուրդների գավառակային, գավառական համագումարների, ինչպես և ՀՍԽՀ խորհուրդների համագումարի ընտրությունները կանոնավոր և ժամանակին կատարելու նպատակով կազմվում են գյուղական, գավառակային, գավառական և քաղաքային ընտրական հանձնաժողովներ:

2. Հայաստանի ՍԽՀ տերիտորիայի վրա ընտրական կամպանիայի ընդհանուր ղեկավարության և ընտրական հանձնաժողովները հրահանգելու, ինչպես և 1 հոդ. 4 իշխած ընտրական հանձնաժողովների գործողությունների ղեկավարված գանգատները քննելու համար՝ Կենտրոնական Գործադիր Կոմիտեյի Նախագահու-

Թյան կից կազմվում ե Կենտրոնական Ընտրական Հանձնաժողով, վորի կազմը վորոշվում ե և հաստատվում ե Կենտրոնական Գործադիր Կոմիտեյի Նախագահության կողմից :

3. Գավառական ընտրական հանձնաժողովները կազմվում են համապատասխան գործադիր կոմիտեների կողմից 9 հոգուց, բաղկացած՝ նախագահից, վորին հաստատում ե Կենտրոնական Գործադիր Կոմիտեյի Նախագահությունը, մեկական ներկայացուցչից համապատասխան Գործադիր Կոմիտեյից, գավառական կենտրոնի քաղաքային խորհրդից, պրոֆմիություններից, Լենինյան կոմունիստական յերիտասարդության միությունից, ՀԿԿ Կին բաժնից, ազգային փոքրամասնություններից և յերկու գյուղացի պատգամավորներից գավառական գյուղական կազմակերպությունների կողմից (գյուղացիական փոխադարձ ոգնության ընկերությունների կոմիտեների) :

4. Գավառակային ընտրական հանձնաժողովները կազմվում են համապատասխան գործադիր կոմիտեների կողմից 7 հոգուց, բաղկացած. նախագահից, վորին նշանակում ե Գավառական Գործադիր Կոմիտեն, գավառակային գործադիր Կոմիտեյի յերկու ներկայացուցչից և մեկական ներկայացուցչից՝ պրոֆմիություններից :

թյուններից, Լենինյան կոմյերիամիությունից, գեղջկուհիների պատգամավորական ժողովներից և գյուղացիական կազմակերպություններից (գյուղացիական փոխոգնության ընկերությունների կոմիտեներից) :

5. Գյուղական ընտրական հանձնաժողովները կազմվում են գյուղական խորհուրդների կողմից 7 հոգուց, բաղկացած՝ նախագահից, վորին նշանակում և Գավառակային Գործադիր կոմիտեն, գյուղական խորհրդի յերկու ներկայացուցիչներից, և մեկական ներկայացուցչից՝ պրոֆմիություններից, Լենինյան կոմյերիամիությունից, գեղջկուհիների պատգամավորական ժողովներից և տեղական գյուղացիական կազմակերպություններից (գյուղացիական փոխոգնության ընկերությունների կոմիտեներից) :

6. Քաղաքային ընտրական հանձնաժողովները կազմվում են քաղաքային խորհուրդների նախագահության կողմից բոլոր քաղաքներում, քաղաքատիպ և բանվորական վայրերում 7 հոգուց, բաղկացած՝ նախագահից, վորին հաստատում և համապատասխան վերադաս գործադիր կոմիտեն, համապատասխան քաղաքային խորհրդի յերկու ներկայացուցչից, մեկական ներկայացուցչից՝ պրոֆմիությունից,

Կարմիր բանակից, Լենկոմյերիամ իությունից
և բանվորուհիների ներկայացուցչից, վորր
ընտրվում է կին-բանվորուհիների համաքաղա-
քային պատգամավորական ժողովում:

ԾԱՆՈԹ.—Յերեան և Լենինական քա-
ղաքներում համապատասխան քաղխոր-
հուրդների վորոշմամբ կարող են կազմվել
չըջանային ընտրական հանձնաժողովներ
սույն հոդվածով նախատեսված կազմով:

Շրջանային ընտրական հանձնաժողով-
ների նախագահները հաստատվում են հա-
մապատասխան քաղաքային խորհուրդնե-
րի նախագահության կողմից:

7. Այն վայրերում, վորտեղ բացակայում
են մի քանիսը այն հասարակական կազմակեր-
պություններից, վորոնց ներկայացուցիչները
պետք է մտնեն համապատասխան ընտրական
հանձնաժողովների կազմի մեջ, վերադաս դու-
րադիր կոմիտեներին վերապահվում է իրա-
վունք ընտրելու, թե վո՞ր կազմակերպություն-
ների ներկայացուցիչները պետք է փոխարինեն
բացակայող հասարակական կազմակերպու-
թյունների ներկայացուցիչներին:

8. Սույն հրահանգի 2—6 հոդ. հոդ. նա-
խատեսված ընտրական հանձնաժողովները

կազմվում են վերընտրական կամպանիայի ժամանակաշրջանի համար այն ժամկետներում, վորոնք սահմանվում են վերադաս ընտրական հանձնաժողովների կողմից, և լուծվում են նույն հանձնաժողովների կողմից սահմանված ժամկետներում, բայց վոչ ուշ քան մի ամսվա ընթացքում համապատասխան տերիտորիայի վրա ընտրական կամպանիան վերջանալուց հետո:

9. Ընտրական հանձնաժողովների իրավունքները և պարտականություններն են.

ա) հսկել, վոր ընտրությունները համապատասխան տերիտորիայի վրա կատարվեն որինական կարգով և ժամանակին և գործադրվեն ընտրական կամպանիայի համար սահմանված կանոնները, նորմաները և ժամկետները.

բ) սահմանել ստորադաս ընտրական հանձնաժողովները կազմելու և լուծելու ժամկետները.

գ) ղեկավարել ստորադաս ընտրական հանձնաժողովների և նրանց լիազորների աշխատանքները ընտրությունների վերաբերմամբ:

դ) հարց հարուցանել համապատասխան գործադիր կոմիտեների առաջ ստորադաս ընտրական հանձնաժողովների լուծման, նրանց

առանձին անդամներին մերժելու, ինչպես և ստորադաս ընտրական հանձնաժողովների վարողումների վերացման մասին.

ե) պահանջել ստորադաս ընտրական հանձնաժողովներից հաշվետվություն իրենց կատարած աշխատանքների մասին.

զ) ներկայացնել վերադաս ընտրական հանձնաժողովներին և համապատասխան գործադիր կոմիտեներին տեղեկություններ և ամփոփումներ ընտրությունների ընթացքի և արդյունքի մասին, և մասնավորապես ընտրություններին մասնակցած ընտրողների թվի մասին.

ը) գործուղել իր ներկայացուցիչներին ստորադաս ընտրական հանձնաժողովների աշխատանքներին և ընտրական կամպանիայի ընթացքին իրազեկ լինելու համար.

թ) քննել ստորադաս ընտրական հանձնաժողովների գործողությունների դեմ տված լուրջ քննարկները և դանդաղանքները:

10. Գյուղական և քաղաքային ընտրական հանձնաժողովները, իսկ այն քաղաքներում, վորտեղ կազմված են չրջանային ընտրական հանձնաժողովներ, չրջանային հանձնաժողովները, բացի սույն հրահանգի 9 հոդ. «ա» և «զ»

կետերում հիշված ֆունկցիաներից պարտավոր են.

ա) կազմել, քննել, ստուգել և հրապարակել ընտրական իրավունքից զրկված անձանց ցուցակը.

բ) ուղարկել անվանական ընտրական ծանուցագրեր ընտրողներին և այլ միջոցներ ձեռք առնել ընտրական ժողովների տեղի և ժամանակի մասին հայտարարելու համար.

գ) բաժանել տերիտորիան և ընտրողներին՝ ըստ ընտրական շրջանների.

դ) կազմակերպել ընտրական ժողովներ.

ե) նշանակել լիազորներ ընտրական ժողովներին նախագահելու համար:

11. Ընտրական հանձնաժողովները չեն ըստեղծում առանձին տեխնիկական ապարատ, այլ իրենց վրա դրված պարտականությունների կատարման համար ոգտվում են համապատասխան գործադիր կոմիտեյի կամ գյուղական խորհրդի ապարատից:

12. Ընտրական հանձնաժողովի անդամները իրենց աշխատանքի համար առանձին վարձատրություն չեն ստանում:

ԳԼՈՒԽ II.

ՀՆՏՐԱԿԱՆ ԻՐԱՎՈՒՆՔՆԵՐԻՑ ՁՐԿԵԼՈՒ
ՄԱՍԻՆ

13. Թե ընտրողների և թե ընտրական իրավունքներից զրկված անձանց ցուցակները կազմելիս և ստուգելիս՝ ընտրական հանձնաժողովները պետք է նկատի ունենան, ՎՈՐ ՀՍԽՀ Սահմանադրությունը զրկում է ընտրական իրավունքներից տուանձին անձանց և ազգաբնակչության առանձին խմբերին, այն և .

ա) այն անձանց, վորոնք չահառության նըպատակով ոգտովել են կամ ներկայյումս ոգտովում են վարձու աշխատանքով :

բ) տյն անձանց, վորոնք ապրել են կամ ներկայյումս ապրում են անաշխատ յեկամուտներով, ինչպես և նրանց, վորոնք պարապել են կամ այժմ պարապում են աուտրով :

գ) այն անձանց, վորոնք իրենց դատակարգային դրությամբ ընտրությունների մոմենտին իրենց անցյալ դործունեյությամբ համաձայն ՀՍԽՀ Սահմանադրության 86 հոդ. նպատկանում ընտրական իրավունքներից զրկվածների կատեգորիային :

14. Քաղաքացիների տանձին կատեգո-

րիաններից չեն կարող ոգտվել ընտրական իրավունքներից .

ա) հողագործները, վորոնք գործադրում են սեզոնային կամ մշտական վարձու աշխատանք այնպիսի չափով, վորը լայնացնում է նրանց տնտեսությունը, դուրս բերելով աշխատանքային տնտեսության սահմաններից :

ԾԱՆՈԹ. — Ներկա դեպքում աշխատանքային տնտեսության հիմնական հատկանիշն է վարձու աշխատանքի ոժանդակ բնույթը և նրա առօրյա աշխատանքներին յեղած աշխատունակ անդամների պարտադիր մասնակցությունը .

բ) հողագործները, վորոնք հողագործական տնտեսության հետ ունեն նաև արհեստագործական և արդյունաբերական ձեռնարկություններ (ջրաղաց և այլն) և մշտական կամ սեզոնային վարձու աշխատանք են կիրառում .

գ) հողագործները, վորոնք հողագործական տնտեսության հետ միասին զբաղվում են իբրև արհեստ, նաև անասունների, գյուղատնտեսական և այլ արտադրանքի գնումով և վաճառքով (չահագետներ) .

դ) այն անձինք, վորոնք ստրկացնում են շրջապատող բնակչությանը սիստեմատիկ կեր-

պով տալով նրան ոգտագործման համար իրենց ունեցած գյուղատնտեսական մեքենաները, անասուններին և այլն կամ մշտապես զբաղվում են հայթայթելով բնակչությանը վարկ (ապրանքային կամ դրամական) ստրկացուցիչ պայմաններով:

ե) տնայնագործները և արհեստավորները, վորոնք ոգտվում են մշտական վարձու աշխատանքից, բացառութեամբ այն դեպքերի, վորոնք նախատեսված են սույն հրահանգի 15 հոդ. «դ» կետում:

զ) արդյունաբերական տիպի ձեռնարկությունների տերերը, ձեռնարկուները և կապալառուները, վորոնք շահագործում են ազգաբնակչությունը տալով այս կամ այն աշխատանքները տանը կատարելու համար:

ը) արդյունաբերական և գործարանային տիպի ձեռնարկությունների տերերը և վարձակալները:

թ) մասնավոր առևտրականները, վերադնորդները և առևտրական միջնորդները:

ժ) հակահեղափոխական բանակի նախկին սպաները և զինվորական աստիճանավորները, ինչպես և հակահեղափոխական խմբերի ղեկավարները, խմբապետները և մսուղերիստները:

ԾԱՆՈԹ.—Սույն կետում թված ան-
ձերից ընտրական իրավունքներից կարող
են ոգտվել միայն նրանք, վորոնց վերա-
բերմամբ կան ԽՍՀՄ կամ Հայաստանի ԽՍՀ
կառավարության համապատասխան ալ-
տեր, ինչպես սպիտակ բանակների նախ-
կին սպաներից և զինվորական աստիճանա-
վորներից նրանք, վորոնք հետադաշում յե-
ղել են կարմիր բանակի շարքերում և գոր-
ծոն մասնակցություն են ունեցել Խորհրդ-
դային Հանրապետությունների զինված
պաշտպանության մեջ կամ վորոնք ներկա-
յումս գտնվում են զինվորական ծառայու-
թյան մեջ Կ. բանակում։

Ի) նախկին վոստիկանության, ժանդարմ-
ների հատուկ կորպուսի և պահնորդական բա-
ժանմունքի ծառայողները և գործակալները,
Ռուսաստանի թագավորական տան անդամնե-
րը, ինչպես և բոլոր անձինք, վորոնք ուղղակի
կամ անուղղակի կերպով ղեկավարել են վոստի-
կանության, ժանդարմերիայի և պատժիչ մար-
մինների գործունեյությունը թե ցարական ի-
րավակարգի և թե հակահեղափոխական կառա-
վարությունների որոք։

Ը) բոլոր դավանանքների և աղանդների
կրոնական պաշտամունքների սպասավորները,

ինչպես արեղաները, քահանաները, սարկավագները, տիրացուները, մոլլաները, ռաբինները և այլ անուն կրող անձինք, անկախ նրանից, թե ստանո՞ւմ են արդյոք նրանք վարձատրություն իրենց պաշտոնավարության համար, թե վոչ.

խ) վարչական կարգով տարագրվածները, ինչպես և այն անձինք, վորոնց մասին կայացել են դատավճիռներ, վորոնցով նկատի առնելով նրանց կապը հանցավոր միջավայրի հետ, նրանք զրկվել են իրենց նախկին ընտելության վայրում ապրելու իրավունքից, նաև դատական վճիռներով իրավազրկման յենթարկվածները:

ԾԱՆՈԹ.—Այն անձինք, վորոնք գտնվում են ազատազրկման վայրերում, իբրև քննության կամ դատի տակ յեղածներ և պատիժ կրողներ այնպիսի դատավճիռներով, վորոնք կապված չեն իրավազրկման հետ, չեն կարող մասնակցել խորհուրդներին՝ ազատազրկման վայրերում նրանց գտնված սմբողջ ժամանակամիջոցում:

ծ) Սահմանված կարգով հոգեպես հիվանդ և խելագար ճանաչվածները.

կ) ՀՍԽՀ Սահմանադրության 86 հոդ. «ա», «բ», «գ», «դ» կետերով և սույն հրահանգի հա-

մապատասխան կետերով ընտրական իրավունքներին զրկված անձանց ընտանիքների անդամներն այն դեպքում, յերբ նրանք նյութական կախում ունեն ընտրական իրավունքներից զրկված անձերից և չունեն ինքնուրույն հանրագուտ աշխատանք, վորպես իրենց գոյության աղբյուր:

15. Ընտրական իրավունքներից չեն կարող զրկվել հետևյալ կատեգորիաների անձինք, յեթե այդ անձինք զրկված չեն ընտրական իրավունքներից այլ հիմունքներով, վորոնք նախատեսված են ՀՍԽՀ Սահմանադրությամբ և սույն հրահանգով.

ա) հողագործ գյուղացիները, վորոնք իրենց տնտեսության մեջ գործադրում են մի մշտական բանվորի վարձու աշխատանք առանձնահատուկ հանգամանքներում, ինչպես՝ հիվանդություն, զորակոչ, աշխատավորական սեզոնային աշխատանքների գնալը, հասարակական պաշտոնի կոչվելը, վորը պահանջում է տնտեսությունից հեռանալը և այլն, տնտեսության տվյալ դրության ամբողջ ժամանակամիջոցում.

բ) հողագործները, վորոնք դաշտային աշխատանքների միջոցին ժամանակավորապես

վարձում են վոչ ավելի քան 2 բանվոր՝ բերքը հավաքելու համար.

գ) այն անձինք, վորոնք զբաղվում են դյուղատնտեսությամբ և վաճառում են շուկայում իրենց աշխատանքի արդյունքը.

դ) տնայնագործները և արհեստավորները, վորոնք վարում են աշխատավորական տնտեսություն առանց վարձու աշխատանքի գործադրության, ինչպես և նրանք, վորոնք արտադրության պայմանների շնորհիվ ոգտվում են մի հափահաս բանվորի և յերկու աշակերտների վարձու աշխատանքից:

ե) իր ժամանակին մոբիլիզացիայի կարգով սպիտակ բանակների շարքերը կանչված բանվորները, աշխատավոր դյուղացիները, տնայնագործները և արհեստավորները.

զ) այն անձինք, վորոնք տոկոսներ են ստանում աշխատավորական ավանդներից և պետական կոմունալ ու կոոպերատիվ փոխառությունների սլարտատոմսերից, պայմանով, վոր այդ յեկամուտները հենկազմում նրանց դյուղացան հիմնական աղբյուրը:

ը) այն անձինք, վորոնք առանձնահատուկ պայմաններից հարկադրված պարտավում են մանր առևտրով, այն ե՝ աշխատանքի և պատերազմի հաշմանդամները, վորոնք առևտուր են

անում Սոցիալական Ապահովութեան Ժողովըր-
դական Կոմիտարիատի ձրի արտոնագրերով,
գործազուրկ բանվորները և ծառայողները (աշ-
խատանքի միջնորդ բյուրոներին հաշվառութեան
տակ գտնված), վորոնք վերցնում են Ա-ին կար-
գի արտոնագրեր, յեթե այդ գրադմունքը նրանց
համար ժամանակավոր է.

Թ) այն անձինք, վորոնք վարձով կամ կը-
րոնական համայնքների ընտրութեամբ գրադ-
վում են կրոնական պաշտամունքների և կրոնա-
կան ընկերութեանների շենքերի վարչա-տըն-
տեսական և տեխնիքական սպասարկութեամբ,
այն ե՝ պահապանները, հավաքարարները, ժամ-
կոչները, յերգիչները և այլն, ինչպես և այն
անձինք, վորոնք պայմանագրով ընդունել են
յեկեղեցիները կամ յեկեղեցական գույքերը,
նաև ծխական խորհուրդների և համայնքների
անդամները.

Ժ) ազատ պրոֆեսիանների տեր անձինք,
վորոնք գրադվում են հանրագումար աշխատան-
քով, յեթե նրանք չեն չահագործում ուրիշի
աշխատանքը չահառութեան նպատակով:

ԳԼՈՒԽ III.

ԸՆՏՐԱԿԱՆ ԻՐԱՎՈՒՆՔՆԵՐԻՑ ԶՐԿՎԱԾ
ԱՆՁԱՆՑ ԸՆՏՐԱԿԱՆ ԻՐԱՎՈՒՆՔՆԵՐԸ
ՎԵՐԱԿԱՆՔՆԵԼՈՒ ԿԱՐԳԻ ՄԱՍԻՆ

16. Այն անձինք, վորոնք ՀՍԽՀ Սահմանադրութեան համաձայն զրկված են ընտրական իրավունքներից, ինչպէս վոստրիկանութեան, ժանդարմների կորպուսի, պատժիչ մարմինների նախկին ծառայողները, սպիտակ սպաները և այլն (սույն հրահանգի 14 հոդ. «ի» և «լ» կետերը), կարող են առանձին դեպքերում վերականգնել իրենց ընտրական իրավունքները կենտրոնական Գործադիր Կոմիտեյի նախագահութեան հատուկ վորոշումներով, յետեւ այլ անձինք ներկայումս զբաղվում են արտադրական և հանրագումար աշխատանքով և ապացուցել են իրենց լոյալությունը խորհրդային իշխանութեան վերաբերմամբ:

17. Այն անձինք, վորոնք պատկանելիս են յետեւ շահագործող դասակարգին և զրկված են ընտրական իրավունքներից (կալվածատերերը, բուրժուազիան, կրոնական պաշտամունքների սպասավորները), կարող են վերականգնել իրենց ընտրական իրավունքներն այն դեպքում,

յեթե նրանք վոչ պակաս քան հինգ տարվա ընթացքում պարապում են արտադրական և հանրոգուտ աշխատանքով և ապացուցել են իրենց լոյալությունը խորհրդային իշխանության վերաբերմամբ, — գավառային ընտրական հանձնաժողովների վորոշումներով և Կենտրոնական Գործադիր Կոմիտեյի նախագահության հաստատությամբ:

18. Սույն հրահանգի 16 հոդ. հիշված անձինք իրենց ընտրական իրավունքները վերականգնելուն վերաբերյալ դիմումներն անհրաժեշտ վավերաթղթերի հետ միասին տալիս են տեղական խորհրդին, վորն իր յեղրակացության հետ ուղղում է նրանց համապատասխան ընտրական հանձնաժողովին:

ԳԼՈՒԽ IV.

ԸՆՏՐԱԿԱՆ ԻՐԱՎՈՒՆՔՆԵՐԻՑ ԶՐԿՎԱԾ ԱՆՁԱՆՑ ՑՈՒՑԱԿՆԵՐԸ ԿԱԶՄԵԼՈՒ ՄԱՍԻՆ

19. Գյուղական և քաղաքային խորհուրդները կատարում են ընտրական իրավունքներից զրկված անձանց մշտական անվանական հաշվառումը յուրաքանչյուր դյուղի և քաղաքի համար առանձին:

20. Ընտրական իրավունքներից զրկված անձանց հաշվառումը կատարվում է փաստա-

թղթային բնույթ կրող տեղեկությունների հիման վրա.

ա) դատարանով ընտրական իրավունքներից զրկվածների և իրենց մշտական բնակավայրերից դատարաններով արտաքսման դատապարտվածների վերաբերմամբ,—դատավճիռների պատճենների կամ համապատասխան դատական մարմինների տեղեկությունների հիման վրա.

բ) շահառության նպատակով վարձու աշխատանք կիրարկող, ինչպես և անաշխատ հասույթով ապրող անձանց վերաբերմամբ,—նրանց կողմից հասութահարկ և արհեստահարկ վճարած լինելու մասին Փինանսական մարմինների տեղեկությունների հիման վրա և ապահովադրական մոծումների վճարման մասին—ապահովադրական դրամարկղների տեղեկությունների հիման վրա, և այլն.

գ) առևտրով զբաղվող անձանց վերաբերմամբ—նրանց կողմից արտոնագրեր վերցնելու մասին, և նրանց կապալով տրված առևտրական շենքերի մասին՝ Փինանսական մարմինների տված տեղեկությունների հիման վրա.

դ) խելագարների և հոգեկան հիվանդների վերաբերմամբ,—նրանց խելագար կամ հոգեկան հիվանդ ճանաչելու մասին՝ առողջապա-

հուլիսյան մարմինների արձանագրությունների կամ այդ արձանագրությունների վավերացրած պատճենների հիման վրա.

ե) նախկին վոստիկանության ծառայողների և գործակալների և սույն հրահանգի 14 հոդ. հիշված բոլոր այլ անձերի վերաբերմամբ, — վարչական մարմինների կամ գավառակային գործադիր կոմիտեների և գյուղական խորհուրդների տված տեղեկությունների և պետական քաղաքական վարչության տեղեկությունների հիման վրա:

21. Այն գեպքում, յերբ տեղական խորհուրդը վորևէ աղբյուրից տեղեկություններ է ստանում այս կամ այն անձնավորության բնարական իրավունքներից զրկված կատեգորիաներից մեկին պատկանելու մասին, խորհուրդը կատարում է այդ տեղեկությունների փաստական ստուգում, և յեթե նրանք հաստատվում են, մտցնում է տվյալ անձին ընտրական իրավունքներից զրկվելու յենթակա անձանց ցուցակի մեջ:

22. Ընտրական հանձնաժողովները քաղաքային և գյուղական խորհուրդների ներկայացրած ցուցակների և տվյալների հիման վրա՝ կազմում են ընտրական իրավունքներից զրկված անձանց ցուցակները:

Ընտրական հանձնաժողովները (գյուղական և քաղաքային) ընտրական իրավունքներից զրկված անձանց ցուցակները կազմելիս՝ պարտավոր են անհատաբար ստուգել այս կամ այն անձին ընտրական իրավունքներից զրկված անձանց կատեգորիայում դասելու ճշտությունը ուսյն հրահանգի 20 հոդ. հիշված փաստաթղթային բնույթ կրող տեղեկությունների հիման վրա:

23. Ընտրական հանձնաժողովը հրապարակում է ընտրական իրավունքներից զրկված անձանց ցուցակները վոչ ուշ, քան համապատասխան խորհրդի ընտրությունների սկզբից 20 օր առաջ, անպայման փակցնելով այն աչքի ընկնող վայրերում, հայտարարելով ժողովներում, մամուլի մեջ և այլն:

24. Ընտրական հանձնաժողովը ընտրական իրավունքներից զրկված անձանց իր կազմած ցուցակից մի օրինակ ուղարկում է գյուղերում գյուղական խորհրդին, իսկ քաղաքներում քաղաքային խորհրդին, յերկրորդ և յերրորդ օրինակը՝ վերադաս ընտրական հանձնաժողովին և վերադաս Գործադիր Կոմիտեյին:

ԸՆՏՐԱԿԱՆ ԻՐԱՎՈՒՆՔՆԵՐԻՑ ԶՐԿԵԼՈՒ
ԴԵՄ ՔԱՂԱՔԱՑԻՆԵՐԻ ՏՎԱԾ ՓԱՆԳԱՏՆԵՐԸ
ՔՆՆԵԼՈՒ ԿԱՐԳԻ ՄԱՍԻՆ

25. Այն անձինք, վորոնք ընտրական հանձնաժողովների վորոչումներով մտցրած են ընտրական իրավունքներից զրկվածների ցուցակների մեջ, կարող են դանդառ տալ այդ վորոչումների դեմ ցուցակը հրատարակելուց կամ փակցնելուց հետո մի շաբաթվա ընթացքում: Փանդատները տրվում են այն ընտրական հանձնաժողովին, վորը կազմել է ցուցակը:

26. Փյուղական ընտրական հանձնաժողովները՝ ոտանալով դանդառը՝ պարտավոր են 3 օրվա ընթացքում ուղարկել այն իրենց յեզրակացությամբ վերադաս ընտրական հանձնաժողովին:

27. Փյուղական ընտրական հանձնաժողովների վորոչումների դեմ տված դանդառները, վորոնք մտել են դավառակային ընտրական հանձնաժողովը, քննվում են յերեք օրվա ընթացքում: Փավառակային ընտրական հանձնաժողովը, յեթե բավարարում է դանդառը, ուղարկում է այն իր վճռի հետ միասին գյուղական ընտրական հանձնաժողովին՝ դանդառ

տավորին հայտնելու համար, իսկ մերժման դեպքում, — ուղարկում ե գանգատը գավառային ընտրական հանձնաժողովին, վորը նույնպէս յերեք որվա ընթացքում պարտավոր ե քննել գանգատը և վճիռ տալ կամ ստորագաս հանձնաժողովի վորոշումը հաստատելու կամ գանգատը բավարարելու մասին:

Գավառային ընտրական հանձնաժողովի վորոշումը հաղորդվում ե ստորագաս ընտրական հանձնաժողովին և հայտարարվում ե գանգատավորին:

28. Քաղաքների և քաղաքային խորհուրդներ ունեցող քաղաքային ու բանվորական վայրերի քաղաքացիների գանգատները տրվում են քաղաքային ընտրական հանձնաժողովներին, վորոնք պարտավոր են քննել գանգատը յերեք որվա ընթացքում և մերժման դեպքում ուղարկել իրենց յեզրակացության հետ գավառային հանձնաժողովին, վորը նույն ժամկետում, ինչպէս և քաղաքայինը, պարտավոր ե քննել գանգատը և վճիռ տալ:

Գավառային ընտրական հանձնաժողովի վորոշումը հաղորդվում ե քաղաքային ընտրական հանձնաժողովին և հայտարարվում ե գանգատավորին:

29. Հսկողության կարգով ընտրական ի-

րավունքներից զրկելու դեմ տված գանգատները կարող են քննվել կենտրոնական ընտրական հանձնաժողովի և Կենտրոնական Գործադիր Կոմիտեյի նախագահության կողմից :

30. Ընտրական հանձնաժողովի աշխատանքները վերջանալուց հետո, ընտրական րավունքներից զրկված անձանց գանգատներին վերաբերյալ հարցերը լուծվում են համապատասխան խորհուրդների և գործադիր կոմիտեների կողմից :

ԳԼՈՒԽ VI.

ԸՆՏՐԱԿԱՆ ԺՈՂՈՎՆԵՐԻ ՄԱՍԻՆ

31. Խորհուրդների անդամների ընտրությունները տեղի յեն ունենում ընտրական ժողովներում :

32. Ընտրական ժողովը գումարվում է ընտրական հանձնաժողովի կամ նրա լիազորի կողմից : Ընտրական ժողովի գումարման որվա և տեղի մասին ընտրողները տեղեկացվում են անվանական ծանուցագրերով վոչ ուշ, քան 5 օր առաջ :

33. Քաղաքներում, քաղաքատիպ և բանվորական վայրերում ընտրական ժողովները գումարվում են ըստ արտադրական կամ արհեստակցական միավորների (ձեռնարկություն-

ների, հիմնարկությունների և արհեստակցական միությունների) : Այն քաղաքացիները, վորոնք չեն մտնում ձեռնարկությունների մեջ և արհեստակցական միությունների անդամ չեն, այն ե՝ տնայնագործները, տան տնտեսուհիները, կառապանները և այլն, մասնակցում են ընտրություններին կամ մյուս ընտրողների հետ ըստ արտադրական կամ արհեստակցական միավորների, կամ ըստ տերրիտորիալ միավորների (քաղաքաշրջաններ, քաղաքամասեր և այլն) :

34. Այն գյուղական խորհուրդների ընտրությունները, վորոնք ընդգրկում են մի քանի գյուղեր, կատարվում են ըստ առանձին գյուղերի, յեթե այդ գյուղերում բնակչության թիվը բավարար ե մի պատգամավոր ընտրելու համար, և մի քանի գյուղերի միացյալ ժողովներում, յեթե նրանց բնակչությունը սակավաթիվ ե և նրանց միջև տարածությունը աննշան ե :

Գյուղական վայրերում խոշոր գյուղերը գյուղական խորհրդի ընտրությունների համար պետք ե բաժանվեն մի քանի ընտրական թաղամասերի, և այդ դեպքում ազգային փոքրամասնությունների կոմպակտ խմբերը կարող են

առանձնացվել, վորպէս հատուկ ընտրական
Թաղամասեր ըստ ազգային հատկանիշի:

Ընտրական Թաղամասերը գյուղական վայ-
րերում պետք է ընդգրկեն 500 բնակչից վոչ
ավելի:

ԾԱՆՈԹ. — Քաղաքային վայրերից
դուրս գտնված այն խորհրդային տնտեսու-
թյունների, ինչպէս և գործարանների ու
գավոռների ծառայողներն ու բանվորները,
վորոնք չունեն իրենց խորհուրդները, խոր-
հուրդների ընտրությունների համար միա-
նում են ընտրվող գյուղխորհրդի շրջանի
մտնող մոտակա գյուղին:

35. Ընտրական ժողովներին կարող են ներ-
կա լինել միայն ընտրական իրավունք ունեցո-
ւանները:

36. Ընտրական ժողովներում պետք է կա-
տարվի ընտրություններին ներկայացած բոլոր
անձերի հաշվառում:

37. Ընտրական ժողովը համարվում է կա-
յացած, յեթե ներկա յեն վոչ պակաս քան 35
տոկոսն այն անձանց, վորոնք իրավունք ունեն
մասնակցելու տվյալ ընտրական ժողովին:

38. Այն ընտրական ժողովը, վորին ներկա-
յացել են տվյալ ընտրություններին մասնակցե-
լու իրավունք ունեցողների 35 տոկոսից պակաս,

համարվում ե չկայացած, և այդ մասին կազմվում ե արձանագրություն, վորը կցվում ե ընտրական գործին, իսկ ընտրական ժողովը հետաձգվում ե մինչև մոտակա որերից մեկը, հայտարարելով այդ մասին ընտրողներին:

39. Ընտրական ժողովը բաց ե անում ընտրական հանձնաժողովի կողմից դրա համար լիազորված անձը, իսկ ղեկավարում ե նախագահությունը ընտրական հանձնաժողովի լիազորի նախագահությամբ: Նախագահության կազմի մեջ մտնում են ընտրական հանձնաժողովի լիազորը և ժողովի կողմից ընտրված յերկու անձ: Ընտրական ժողովը բանալուց հետո նախագահը պարտավոր ե.

ա) ծանոթացնել ժողովականներին ՀՍԽՀ Սահմանադրության 85 և 86 հոդվածներին և ընտրությունների նորմաներին և կարգին (հրահանգ հոդ. 31—45).

բ) հայտարարել ժողովին ընտրողների թիվը.

գ) հայտարարել տվյալ ընտրական ժողովում ընտրական իրավունքից զրկված անձանց ցուցակը.

դ) հայտարարել ընտրական ժողովի առաջ, ինչպես և ընտրական ժողովի ընթացքում ստացված ցուցակները և առանձին թեկնածու-

ների անունները և ազգանունները, մատնանշելով, թե ումնից են ստացված ցուցակները:

40. Յուրաքանչյուր ընտրական ժողովում ընտրվելիք անձանց թիվը վորոշվում է տեղական ընտրական հանձնաժողովի կողմից՝ բոլոր համապատասխան ընտրական նորմաների:

41. Ընտրությունների ժամանակ քվեարկությունը կատարվում է կամ ցուցակներով, կամ անհատաբար, ընտրական ժողովի վորոշման համաձայն:

ԾԱՆՈԹ. 1. — Ընտրական հանձնաժողովները և նրանց լիազորներն իրավունք չունեն իրենց կողմից առաջադրել ընտրողներին վոչ առանձին թեկնածուներ և վոչ ել թեկնածուների ցուցակներ:

ԾԱՆՈԹ. 2. — Թեկնածուների ցուցակներ կամ առանձին թեկնածուներ կարող են առաջարկվել թե հասարակական, կուսակցական և արհեստակցական կազմակերպությունների կողմից, և թե առանձին քաղաքացիների կողմից, ինչպես ընտրական ժողովում, այնպես ել հայտարարվել մինչև ընտրական ժողովը մամուլի կամ փակցնելու միջոցով: Ցուցակներով քվեարկություն կատարելիս չի արգելվում ցուցակներում նշանակված առանձին

Թեկնածուներին մերժելը և ուրիշ Թեկնածուներով փոխարինելը:

42. Ընտրությունները կատարվում են բաց քվեարկությամբ: Խորհուրդների անդամ ընտրված են համարվում ձայների համեմատական մեծամասնություն չահած անձինք:

ԾԱՆՈԹ.— Համեմատական մեծամասնություն ասելով հասկացվում է ձայների այնպիսի քանակ, վորը կազմում է ավելի մեծ թիվ մյուս Թեկնածուների ստացած ձայների համեմատությամբ, և այդ դեպքում հաշվի չեն առնվում «դեմ» և «ձեռնըպահ» արտահայտվողների ձայները:

43. Ընտրական ժողովները բացի խորհրդի անդամներից (սպառնամավորներից) ընտրում են նաև փոխոնդամներ անդամների մեկ-յերրորդի չափով:

Փոխանդամներն ընտրվում են խորհրդի անդամներից զատ քվեարկությամբ:

ԾԱՆՈԹ.— Այն վայրերում, ուր ընտրական Թաղամասերի թիվն ավելի մեծ է, քան ընտրելի խորհրդի փոխանդամների թիվը, վերջինների ընտրությունների կարգը սահմանվում է վերադաս ընտրական հանձնաժողովների կողմից:

44. Ընտրական ժողովի ընթացքի մասին կազմվում և ստորագրվում է արձանագրութ-
յուն ընտրական ժողովի նախագահության
կողմից:

45. Ընտրությունների վերաբերյալ բոլոր
գիմումները և գանգատները գրավոր և բանա-
վոր կերպով տրվում են ընտրությունն ավար-
տելուց հետո 7 որվա ընթացքում տվյալ ընտ-
րությունները ղեկավարող ընտրական հանձ-
նաժողովին, վորը պարտավոր է իր բացատր-
ությունների հետ միասին յերեք որվա ըն-
թացքում այդ գանգատներն ուղարկել վերա-
դաս ընտրական ժողովին:

Վերադաս ընտրական ժողովը պարտավոր
է քննել այդ գանգատները և գիմումները ստա-
նալուց հետո 7 որվա ընթացքում:

Այն դեպքում, յերբ ընտրական հանձնա-
ժողովը գտնում է, վոր գանգատները հիմնա-
վոր են և անհրաժեշտ է բեկանել ամբողջ ընտ-
րությունները, նա այդ մասին հարց է հարու-
ցում համապատասխան Գործադիր Կոմիտե-
յի առաջ, իսկ ընտրությունների մասնակի
բեկանման անհրաժեշտության դեպքում՝ այդ
մասին ինքն է վորոշում կայացնում և հայտ-
նում ստորագաս ընտրական հանձնաժողովին
վերընտրություն կատարելու համար:

46. Ընտրական հանձնաժողովներն իրենց աշխատանքները վերջացնելուց հետո՝ ընտրո-թյունների վերաբերյալ բոլոր նյութերը հանձնում են համապատասխան խորհրդին կամ Գործադիր Կոմիտեյին:

ԳԼՈՒԽ VII

Խորհուրդների համագումարների հրավիրման և Գործադիր Կոմիտեների ընտրությունների մասին

47. Խորհուրդների համագումարները հրավիրվում են համապատասխան գործադիր կոմիտեների կողմից և կազմվում են.

ա) գավառակային համագումարները—գավառակի տերրիտորիայի վրա գտնվող բոլոր խորհուրդների ներկայացուցիչներից, վորոնք ընտրվում են խորհուրդների կողմից ՀՍԽՀ Սահմանադրության 69 հոդ., «բ» կետով սահմանված նորմայով և թվով:

բ) Գավառային համագումարները—քաղաքների խորհուրդների և խորհուրդների գավառակային համագումարների ներկայացուցուչներից ՀՍԽՀ Սահմանադրության 69 «ա» կետով սահմանված նորմայով:

գ) Հայաստանի ՍԽՀ խորհուրդների հա-

մագուժարը—քաղաքային խորհուրդների և խորհուրդների զավառային համագումարների ներկայացուցիչներից ՀՍԽՀ Սահմանադրութեան 24 հոդ. սահմանված նորմայով:

48. Համագումարների համար կայացրած ընտրությունների և պատգամավորների լիազորությունների ճշտությունն ստուգելու համար յուրաքանչյուր համագումար ընտրում և մանդատային հանձնաժողով այն թվով, վերը վորոշում է ինքը համագումարը:

49. Խորհուրդների համագումարները մանդատային հանձնաժողովների ղեկուցումների հիման վրա վորոշումներ են կայացնում համագումարների համար կատարված ընտրությունների և պատգամավորների լիազորությունների կանոնավորութեան մասին:

ԾԱՆՈԹ. 1.—Վերընտրվող Գործադիր կոմիտեյի այն անդամները, վորոնք համագումարի պատգամավորներ չեն, ոգտվում են համագումարում խորհրդակցական ձայնի իրավունքով:

ԾԱՆՈԹ. 2.—Համագումարների նախագահությունների կազմի մեջ և Գործադիր կոմիտեների մեջ, նաև իբրև ներկայացուցիչներ վերադաս համագումարների համար կարող են ընտրվել վոչ միայն

Համագումարները և խորհուրդները անհամները, այլ և ընդհանրապես բոլոր քաղաքացիք, վորոնք վայելում են ընտրական իրավունք անկախ նրանց բնակության վայրից և աշխատանքից:

50. Համագումարի զբաղմունքները. ընթացքում մինչև գործադիր կոմիտեյի նոր կազմի ընտրությունը՝ իշխանության գործադիր մարմին չարունակում ե մնալ նախկին կազմի գործադիր կոմիտեն, վորի ֆունկցիաները դադարում են միայն նոր կազմով գործադիր կոմիտեյի առաջին նիստը գումարելուց հետո:

51. Խորհուրդները Համագումարը վերջանալուց հետո գումարվում են նորընտիր գործադիր կոմիտեյի կազմակերպչական նիստերը նախկին կազմի հետ միասին: Այդ նիստերում ընտրվում են գործադիր կոմիտեյի նախագահը և նախագահությունը, նաև բոլոր բաժինների վարիչները:

ԾԱՆՈԹ. 1.—Գործադիր կոմիտեները ընտրում են իրենց նախագահությունները և նախագահին անպայման իրենց կազմի անդամներից:

ԾԱՆՈԹ. 2.—Գործադիր կոմիտեյի նախկին կազմի անդամները և բաժինների

վարիչները, վորոնք նոր կազմի մեջ ընտրված չեն, այդ նիստում ոգտվում են խորհրդակցական ճայնի իրավունքով:

ԳԼՈՒԽ VIII

Գյուղական և գավառակային վերստուգիչ
Հանձնաժողովների ընտրությունները

52. Գյուղական վերստուգիչ հանձնաժողովներն ընտրվում են գյուղական խորհրդի ընտրության հետ միաժամանակ ընտրական ժողովներում՝ յերեք անգամի և յերկու փոխանգամի կազմով:

ԾԱՆՈԹ.—Այն գյուղերում, վորտեղ ընտրական թաղամասերի քանակն ավելի յե քան ընտրելի վերստուգիչ հանձնաժողովի անդամների և նրանց փոխանգամների թիվը, վերջինների ընտրության կարգը սահմանվում է վերադաս ընտրական հանձնաժողովների կողմից:

53. Գավառակային վերստուգիչ հանձնաժողովներն ընտրվում են խորհուրդների համագումարների կողմից և կազմվում են 3-ից մինչև 5 անդամներից և յերկու փոխանգամներից:

54. Գյուղական և գավառակային վերըս-

տուգիչ հանձնաժողովների ընտրությունները կատարվում են խորհրդի կամ գործադիր կոմիտեյի անդամների և փոխանդամների ընտրություններից անջատ՝ հատուկ քվեարկությամբ:

ԾԱՆՈԹ. 1.—Գյուղական վերստուգիչ հանձնաժողովների անդամ չեն կարող ընտրվել համապատասխան գյուղական խորհրդի անդամներն ու փոխանդամները, այլև տվյալ վերստուգիչ հանձնաժողովի վերահսկողության յենթակա հիմնարկությունների պաշտոնյաները:

ԾԱՆՈԹ. 2.—Գավառակային վերստուգիչ հանձնաժողովի անդամ չեն կարող ընտրվել.

ա) գավառակային գործադիր կոմիտեյի անդամները և փոխանդամները.

բ) այն անձինք, վորոնք մոտ ազգականություն կամ խնամիություն ունեն գավառակային գործադիր կոմիտեյի անդամների կամ փոխանդամների հետ.

գ) գավառակային գործադիր կոմիտեյի տեխնիքական աշխատակիցները.

դ) գավառակային հողային հանձնաժողովների անդամները:

ԳԼՈՒԽ IX

խորհուրդների ընտրությունների բեկանման,
վերընտրությունների և լրացուցիչ ընտրու-
թյունների կարգի մասին

55. Ընտրությունները բեկանվում են հե-
տևյալ հիմունքներով.

ա) ԽՍՀՄ Սահմանադրության և սույն
հրահանգի նորմաների խախտման դեպքում.

բ) այն դեպքում, յերբ ընտրությունը ղե-
կավարող մարմինների ապոբինի գործողու-
թյունների դեմ քաղաքացիների տված գան-
գատները հիմնավոր կը ճանաչվեն:

56. Նախորդ հոգևածում հիշված հիմունք-
ներով՝ ընտրությունները կարող են բեկանվել.

ա) ամբողջությամբ, այսինքն խորհրդի
անդամների ամբողջ կազմի վերաբերմամբ.

բ) մասնակի, այսինքն խորհրդի առանձին
անդամների վերաբերմամբ—ըստ առանձին
ընտրական շրջանների:

57. Ընտրությունները բեկանվում են ամ-
բողջությամբ, յեթե պատգամավորների կիսից
ավելին ընտրված և սույն հրահանգի կանոննե-
րը խախտելով:

Ընտրությունները բեկանվում են մասնա-
կի, առանձին ընտրական շրջանների վերա-

բերմամբ, յեթե սույն հրահանգի կանոնները խախտումը տեղի յե ունեցել միայն մի կամ մի քանի ընտրական չրջաններում:

58. Ընտրություններն ամբողջութեամբ բեկանելու խնդիրը վորոշվում է վերադաս գործադիր կոմիտեների կողմից, իսկ մասնակի բեկանման խնդիրը—վերադաս ընտրական հանձնաժողովների կողմից:

59. Ընտրությունների բեկանման մասին հայտարարվում է ի դիտություն հանրութեան կամ հրապարակելով տեղական մամուլում կամ ընտրողների ժողովների միջոցով:

60. Ընտրությունների բեկանման դեպքում նոր ընտրությունները կատարվում են սույն հրահանգով սահմանված կարգով:

61. Ընտրություններն ամբողջութեամբ բեկանելու դեպքում նոր ընտրություններ կայացնելու համար սույն հրահանգով սահմանված կարգով կազմվում են համապատասխան նոր ընտրական հանձնաժողովներ, իսկ ընտրությունների մասնակի բեկանման դեպքում առանձին ընտրական չրջաններում՝ այդ չրջաններում նոր ընտրություններ կայացնելու համար նշանակվում են նոր լիազորներ:

62. Այն դեպքերում, յերբ առանձին պատգամավորները հեռանում են ընտրողների կող-

մից հետ կանչվելու, մահվան, բնակավայրը փոխելու, բնտրական իրավունքները կորցնելու և այլ պատճառներով, նրանք փոխարինվում են միևնույն շրջանի համար յեղած թեկնածուներով, վորի համար ընտրված եր հետացած անդամը, իսկ թեկնածուների բացակայության դեպքում՝ կատարվում են լրացուցիչ ընտրություններ:

63. Գործադիր կոմիտեների սահմանված ժամանակից շուտ վերընտրությունը կամ լրացուցիչ ընտրությունն անհրաժեշտ դեպքերում կատարվում ե խորհուրդների համապատասխան արտակարգ համագումարներում, վորոնք հրավիրվում են ՀՍԽՀ Սահմանադրության 70 հոդ. կարգով:

Կենտրոնական Գործադիր կոմիտեյի
Նախագահ՝ Ա. ԿԱՐԻՆՅԱՆ

Կենտրոնական Գործադիր կոմիտեյի
Քարուղար՝ Հ. ՏԱՏՅԱՆ

1926 թ. դեկտեմբերի 22

ՀԱՅՊՈԼԻԳՐԱՖԻ ԱՌԱՋԻՆ ՏՊԱՐԱՆ

Պատվեր 1499.

Գրառ. 923 ր.

Տիրաժ 2000.

ՀՀ Ազգային գրադարան



NL0943185

6

279

-50-1001

492

867